

慶州金氏世譜卷之一

序

夫家之譜猶國之有史也譜以辨昭穆史以明治亂昭穆難辨則首顧居下足反居上治亂不明則善反爲惡賊還爲良顛倒錯亂家必覆而國亦亡矣重莫大於譜與史乎我鼻祖新羅大輔公諱閼智至敬順王諱傳以後名公巨卿歷代立朝有輔弼之功明於史巨儒碩德隱退在野敦睦族之義載於譜有彼證此考之實其分若疎而其所關甚重必也不可相缺於是痛感也噫吾金之譜始成於仁廟戊子續刊於乙丑繼修於丁亥距今丁亥七十一年矣世變滄桑獸蹄鳥

跡交於八域國分南北戰災兵火及於萬民家之譜國之史能保存者無幾矣僉宗相咨相議曰昇平之時尙欲修譜當此撓攘之世刊譜豈可緩也來余問余此固秉彝之所同然者矣遂齊會于鍾谷丙舍宗議歸一因設譜廳各派任員隨時往來始焉雨雪繼於花鳥留於綠陰遽當金風書始成而付諸剞劂堪歎歲月之荏苒可樂花樹之頻會也歲亘二周功告事訖開卷一讀同源敦睦之心油然自生祖先感慕之情益切列朝褒崇之典儼然起敬後昆繼承之序燦然後明夫如是則豈獨吾金之幸於今日而將存史家之考諸後世矣杞宋不徵何可懼而憂也不亦偉哉嗚呼族同氣也譜

繼世也同氣不爲路人在於譜也繼世不絕千秋在於族矣
比他書敬虔封藏而時時奉讀幸以范文正公吾宗族甚衆
於吾固有親疎然吾祖宗親之則均是子孫固無親疎之語
爲訓各相勉勵則吾金之門運安得不昌大乎蓋相勉諸余
年耄未能周旋於其間而幸賴僉宗之盡心殫力終覩斯譜
之成功豈非美事也哉感慕之心當暮益深有不容終默不
揆僭妄略書其序倘不無罪我且不無知我矣以俟後世之

立言君子云爾

丁酉元月下澣文簡公嗣孫

順九謹序

乙丑舊譜序

譜學卽史學也周官繫世掌於小史史記世家詳其子孫氏姓世本一書此爲譜學之權輿宗法世祿之所由起而表裏乎國史者也自秦廢井世祿宗法壞士大夫始有合族修譜之規雖自歐蘇始創而實因先王之制作也嗚呼我東文物彬彬侔華宗法世祿復修先王之政故氏莫有百年不知之家矣自屋社以後衣冠淪爲伊川宗法亡世祿廢上則朝廷之庇官司之藏俱絕下則合族之食昭穆之辨皆廢史學譜學幾乎亡矣杞宋亦將無徵諸長老用是之懼合謀重刑我金之譜凡四刊矣其例愈往愈精大書特書倣乎春秋紀

事簡古近乎左史立綱嚴目似法乎朱夫子筆削敦宗族厚
風俗無親疎范文正均愛之義兼備夫譜豈易言哉國之汚
隆家之興替開卷瞭然觀祖先之忠言讜論不得容於世退
處林樊則知國之將亂際遇密勿猷謨登庸則知國之將治
觀祖先之孝悌好學德崇業廣則知家門之昌大觀後裔之
惰肆蔑學易如燎毛則知門祚之零替譜牒之讀非比他書
也審矣然而舊譜則直而不汙信而有徵俟百不惑今則世
閥滄桑嚴鉞空言忌器不得祇書繫世之源流昭穆之近遠
配偶之氏姓生卒之月日墳塋之阡原十一於千百雖失祖
先之遺規然與其湮泯而不傳無寧勿廢後觀以俟河清爲

愈茲敢付諸剞劂凡幾月而告功罪我知我亦不無望於後
世之立言君子云爾

崇禎五丁亥後三十九年乙丑澗西公十一世孫鼎九謹序

丁亥舊譜序

嗚呼余嘗感父子兄弟之間居然爲遠祖疎族而未有同譜之昭鑑則不知其某是某派某是某孫一氣之分視若路人豈不爲寒心也哉惟我慶州之金實由新羅敬順王之英裔而無國籍私譜之昭載既往不可考矣 中祖版圖判書公隱德于三山而子孫因居焉至于 仁廟戊子聾齋公始創譜系之昭然然而間出贗譜之弊或有民名之派去古未遠猶尙如此况乎世降俗靡久不修譜也哉越在 肅廟乙丑惟我 先生考推爲都廳譜未就緒不幸夏五月啓手于文村僑居而長老八人任成斯譜此實保宗族明倫紀之大義

也迄今丁亥子孫之大小宗支遠近親疎蕃衍昌茂不知其
幾倍於前乙丑而余年亦八十矣恐佚前世裕後之嘉謨感
我先祖未了之餘恨亦爲盜名然譜終而我終歟譜未終而
我先終歟發通會議於彌造郎齋舍則各派有司盡心竭誠
不佚前光余尙未終而幸覩斯譜之成功豈非美事也哉一
以欽范公之宗約一以誦馬氏之自撰

是歲丁亥七月之望麇村公六世孫 義泰自序

乙丑舊譜序

我東金氏之族實皆肇自新羅王而最極蕃昌其籍慶州者

分爲三派

一派以將軍順雄爲始祖卽鷄林君樞派一派以太師仁琯爲始祖卽桑村自粹派一派卽本派

亦各有譜惟

茲系牒卽其以版圖判書公爲始也自是以下世襲簪紳間

多聞人有若冲庵文簡公之賢道學節義實有以垂耀百世

而後來之有殉節亂世或謝官昏朝或廢舉於丙丁

仁廟丙子有城下之耻

之後者固皆不尋常至於文章勳業之相繼而出又何偉哉

昔在仁廟戊子譜牒始成而其後增修寔在於肅廟乙

丑歲矣今其百餘載之間族親之蕃衍不知其復爲幾許則

譜事之新加編輯固其宜也且况贗譜近出於嶺陬至有倫

序錯亂非類冒入則其一門之憂慨於是益深矣遂相與通議修成是譜其主張者即文簡公八世孫恒運甫而遣其族孫聖泰志泰兩君間序於余噫族之有譜古矣而叔世衰俗尤宜明於譜也明於譜者實所以收宗族而厚風俗立忠義而益朝庭是譜之規則精約以期無復謬弊者豈不善哉一繙閱而源派井井益可瞭然矣人之覽者亦孰無興感於其先烈也凡譜於斯者苟能盡其孝兼如歐陽氏之說則其於承先裕後保族宜家殆庶幾焉歲時花樹之會倘有以相勉勵也歟

崇禎後三乙丑季夏德殷宋煥箕謹序

戊子舊譜序

金氏之源出自始林諱闕智其始也七傳而至味鄒王代新羅沾解王而立綿祚至于敬順王敬順於味鄒三十七代也

自諱闕智至敬順王實爲二十八代此云三十七代泛以國統通計

此則羅史得其詳自是以後無國籍又無私譜代幾傳派幾分不可考焉麗季有版圖判書諱將有始居于報恩判書公去敬順未知幾代而在今爲十一代祖也然僅繼其宗胄其傍無譜故多未傳然則前代之無族譜已爲今日之永感烏可又無於今復貽感於無窮也是用爲懼詢諸族老略成斯譜雖謂之百不記一可也嗚呼自吾高曾以來子孫之繁延已至累百人今雖族未盡而或有闕而

未著者若更一再傳則一氣之分將作路人甚可感也然前之不記而不傳者雖恨莫追其在代近而可考者俱在卷中自今以往雖至累世某自某派某是某孫便開卷瞭目敦睦之心豈不油然自生乎范文正公之言曰吾吳中宗族甚衆於吾固有親疎然吾祖宗視之則均是子孫固無親疎也每誦斯言未嘗不三復起感也凡吾宗黨各以文正之心自勉則豈不休哉譜成於戊子崇禎戊辰後二十一年孟春任而成之者典翰

公諱天宇之二代辛巳子孫涉也記而文者郡守公諱天富之三
代孫鎬也

舊譜少識

吾宗人旣訖刊譜之工而謂不僥曰吾宗前無譜今始有之而又鋟於梓以壽其傳詎可無識俾來裔不知成譜之顛末乎堂成而喜惟子之所同於宗人者子盍識焉余旣嘉宗人之意又有感於斯譜之始不敢以拙於辭辭焉嗚呼維我鷄林之金代序遠矣雲仍盛矣而以中葉無譜源派有失不得收宗者久矣昔余叔父獻納公義敦睦宗慨然無譜遂與族老哀聚各派畧成斯譜而以版圖判書爲始將欲剗剔之而遲以歲月蓋宗派闕記世代已久一時所錄慮有遺漏也荏苒之間人事變遷父兄族老今無在世譜事之終戶之無人

昔之所畧成者其不爲一卷故紙者幾希吾家仲咸念其始
實傷於心與宗弟一二人收拾舊卷更加搜輯子姓後生各
派未錄悉以添錄成爲完譜自版圖判書先祖以下迄于今
十有餘代子孫之遠近親疎大小宗支一開卷可歷歷知之
庶可謂成父兄未成之志豈非美事也哉譜既成示宗人宗
人咸願以私財永之梓以卒譜事

崇禎元後乙丑仲秋判書公十二代孫 錢弼謹識

舊譜後辨

曾聞我

祖宗朝有敬順王後裔勿爲定役之教而未聞有司遵奉舉行矣近來不逞之徒始因此教敢生譖誘愚氓之計聚于京城通諭遠近謂以金姓之同出鷄林者合成一譜方爲鋟梓苟以敬順爲祖之人可以免役使之各出財賄輸于京中於是愚氓聞而奔趨傾產輦賄以其祖子孫數三代世系棼集彼不逞之徒既受人之財賄而今去敬順遠矣氓庶源派無以知之則乃虛作世系上屬於敬順其名字之無似世代之顛錯殊用可駭也惟我先祖版圖判書府君以上至

于敬順王中間失其傳序子孫無能知之者久矣今也不逞
輩僞譜之中判書先祖以上有若不失世次者然虛造代序
名號疑亂宗系其誣辱先祖極矣此誠子孫之所共憤疾也
於今譜未記其不逞輩所爲使後之覽者無所起感於僞譜
也

跋文

自我族祖聾齋公諱鑄世掌文獻我金氏始有譜迄今百五十
有餘歲矣間經宗中諸公裕慶氏重寶宜振章采之手而病未能博後承
之蕃衍世以益昌後死者之所以汲上於修述庸可已乎遂
相與編摩於三山之俗離寺遷古事也方事之殷諸宗咸推

余凡再閱月而校讐訖登梓於大谷之書齋諸宗捐余
言曰斯譜也幾年未遑而今始完就予其識之以耀來許余
惟立言不朽惟有德者能之余何敢以余隨諸公之後一日

之聞長於人則有之請以所聞而誦之惟我中祖版圖判書
公隱德於亂世積慶垂庥以至今日其能邇追式穀以篤先
烈者後人之責也且先祖有善而不知是不明也知之而不
揚是不仁也古人之先陳世德良有以也今我同譜之人咸
以我壯庵公之篤志叅奉公諱光之邃學典輸公諱易之清明

僑望澗西公諱民之篤信師門各自立志
以爲根基推諸行事則如義士公諱遠之臨亂大節滄邱公

諱聲
發

之立朝直道剛愍公

諱元

之癸亥扶社侍直公

諱鑑

別檢公

諱

之丁丑廢舉申之以竹軒公

諱泰

之博識監察公

諱九

之誠

孝以之集大成於冲庵文簡公之宗師百世則豈不盛哉譜

成於

英廟乙丑距舊譜之梓已爲再回甲寅考其時尤不勝愴慕

矣校讐者凡八人

商礪商鼎東魯東亨
商燮志泰憲東憲吉

聾齋公傍裔三人與焉皆

能盡心所掌不佚前光甚美事也遂撮略爲跋版圖判書公

十五代孫恒運敬書

後辨

正廟六年壬寅族祖佐慶氏族兄商協氏上書于大宗伯閣下曰生等以慶州之金先世碑誌曰新羅敬順王之後而敬順以後代序未詳故曾於三去乙丑刊成族譜不得上屬於敬順斷自麗朝版圖判書諱將有爲始先輩所以重譜事而存闕文之義固其然也不意辛卯年間咸陽人金聲亮君后者與壯菴公三世孫判官公同名而別人僞造一譜名曰慶州金氏大族譜謄取士夫家譜系假托冒錄者多至以生等之中祖版圖判書公書之以鷄林君稠之弟先祖文簡公三兄弟書之以三代夫先輩之所闕疑渠輩遽然屬系豈不妄且誣至於訛兄弟之序

聲亮自稱鷄林

舛父子之名尤亂倫敗紀之甚者伏乞行關於營府嚴因明
查亟速釐正使奸細知戢倫紀復正云云禮曹關辭曰聲亮
等所爲誠一變怪爲其子孫者痛迫當如何自本道一一查
出下嚴眞僞照法嚴處以爲正風教之地云而其時聲亮死
已久矣無由盤詰僞譜則布在各處亦不能一切搜刮故惟
鬼不逞之徒接跡而起近又聞判書府君之孫乙塘之裔居
在高靈地者亦於壬戌年間別爲派譜而潛錄文簡公爵號
墓文冒屬非類於無后之派以爲奸民免役之階云序文所
謂嶺陬膺譜者此也夫自有譜牒以來間不無郭崇韜之汾
陽王而未有悖常如聲亮者也亦未有遭變如吾判書公後

也夫先輩未了之事固有待於後人之繼述今贗譜釐正即
先輩未了之事也茲記顛末使後之人備知委折而痛斤之

乙丑閏夏文簡公九世孫商礪商鼎等敬題

跋

吾金族譜始成於仁廟戊子續成於肅廟乙丑今距乙
丑已八十有三年則更加修譜所不可緩也先是宗議不一
經年未遑余懼愈久而愈難也祇合近族派系略成一冊以
鍛梓矣宗長老聞之曰會宗更議不合而後派譜未晚也於
是齊會于報恩之平浦即我先屢世堂釜之封所臨地也宗
議幸歸于一因丙舍而設譜廳於焉彷徨草樹舍春山川呈

媚昕夕花樹之會可樂也斯役也有司凡八人焉余亦添校
正之任然乙丑譜既嚴且精無可損益一遵成憲何有於校
正是故稍有變古者輒亦斥之遵古乃已此非獨余意實先
世譜牒中意也書既成付諸剞劂氏三閱月而功告訖事若
有陰相者尤可幸也夫譜不與他書等尤不可以泛看也苟
能敬對而審思之藹然有感發之心不下於讀詩三百篇何
者見諸派之同源則敦睦之心廣見先烈之垂耀則感慕之
心切見列朝之褒崇則願忠之心激見大明之年號則尊
周之義嚴見碑狀之誰撰則慕賢之心篤見師友之必錄則好
學之心實夫如是則凡所感發豈特讀詩之比而已哉嗚呼

我始祖積德屢仁百餘年道學節義文章勳業相繼而出何其偉哉今於譜牒不能盡記然源其道之所由始則皆本於孝悌也孟子曰堯舜之道孝悌而已凡我諸宗盍相勉諸今雖衰靡後必多繼述先烈者矣以若吾先祖之積蔭宜其垂裕無窮也余年老不能終始周旋性偏不能隨衆變通於譜事無所補矣惟其平日所感於中者有不容終默不揆僭妄徧告我同譜諸族亦以勉後來者云

仁祖二百六十年丁亥七月七日文簡公十二世孫萬熙

慶州金氏重刊族譜跋

金氏世譜源委詳在宋文敬公原序矣伊來八十年餘世代
稍遠存沒屢變將又有杞宋不徵之歎於是合謀重刊一視
舊例而詳其支流開卷靡不瞭然苟非明於收宗族厚風俗
之義何以有此蓋氏族之有譜起於歐陽公而我東文獻之
族尤尙其序例故莫或有百年不知之家而自新羅至于今
數千載歷歷如指掌者又無如金氏之譜况冲庵文簡先生
出亦不須譜而後知其族何其盛哉文簡公後孫萬熙實尸
斯役而使其從姪基冕謁余識其事如此若其修譜之義則
金氏諸宗既自知之盍相與講明益加勉旃也

十四

崇禎十五年七月下澣大臣輔國崇祿大夫原任議政府左

議政兼領經筵事監春秋館事世子傳恩津宋近深跋

惟族分氣也總倫也譜考世也敦宗也淵源之玄遠代序之傳不傳宗支之分派倫紀之數與疑昭然釋載於先輩文獻乙譜以上非所以追述也其所襲而詳知者惟近代宗族而丁亥之於乙丑凡八十三年于茲矣俊茂花樹剝剝炳靈子枝孫葉振作長春根於各處某誰派誰幾寸非譜而難辨也非譜而難傳也惟我族曾祖義泰氏族叔萬熙氏志在敦睦忘勞尸事旁招望族命勅諸任其修譜就緒者族祖秀鳳氏也掌賄而先後之者族叔錫熙氏也惟一其心承先裕後而譜於斯終矣族於斯明矣未滿一年用成厥功於不休哉余亦年淺昧事猥叅刊訖始覺歐陽氏詳祖之說范文正公無親疎之意也夫當

守丁亥孟秋箕山公十世孫永祿追題

報恩郡歲金面猪岱村

版圖判書公壇享祝文

衣履之藏盖在此山歷世玄遠迷失所處瞻掃雖闕英靈斯在禮以義起
歲薦于壇霜露既降架增感慕

監察糾正公壇享祝文

幽宅既失瞻掃未伸父子一氣幽明相隨有屹斯壇靈亦臨止霜露增

感躋祔以享

崇政大夫議政府右贊成兼成均館祭酒德殷

宋煥箕撰

慶州金氏世譜卷之一

初疊一世 二世

三世 四世

五世

六世

諱將有

新羅敬順王之后

仕麗朝官版圖判

書麗季政亂避

世子報恩仍居焉

配三山李氏父版

圖判書松固墓在

郡東猪奮村西麓

云按舊譜仲孫公

家有前世所記判

書公有前後配前

配李瓊之女子女

凡六男六女長仁之

臣內外孫曾錄之

頗詳矣中世爲宗之

人所借而見失故宗

只載仲南仲孫兄

弟子孫益增永世

之感云

子仲南

官保勝中郎將兼

監察糾正

配

墓失所而今猪奮

南麓設壇歲享判

書公及公兩世

子乙湜

洪武庚午官判軍

器寺事

配驪興郡夫人李

氏墓郡北鍾谷里

東九郎峴下艮坐

子濟

生員官平澤縣監

贈都承旨襄懷仁

縣西羔岬晚旨村

後麓辛坐

配寶城吳氏父版

圖判書天德舊譜

云夫人墓在報恩

縣東間居洞府君

墓石面云夫人吳

氏祔

子虛中

后无

子處庸

官都漆署丞

贈戶曹叅判

配上黨韓氏墓報

恩郡彌造郎西坐

子曾孫

同板

子孝貞

一五板

子處常

下十四
卷一板

配沃川黃氏父宣
略將軍憲墓同原
在前玄孫縣監可
幾撰墓表

子

同板

女趙 琳
女朴宜生

女趙

玲